

ODLUKU

O IZMJENI ODLUKE O PREUZIMANJU PRAVA I OBAVEZA OSNIVAČA I USKLAĐIVANJU ORGANIZACIJE I POSLOVANJA JAVNE USTANOVE "APOTEKE SARAJEVO"

Član 1.

(Izmjena člana 2. stav (2))

U Odluci o preuzimanju prava i obaveza osnivača i usklađivanju organizacije i poslovanja Javne ustanove "Apotheke Sarajevo" ("Službene novine Kantona Sarajevo", br. 7/12, 33/13 - Ispravka i 22/17), u članu 2. stav (2) mijenja se i glasi:

"(2) Sjedište Apotheke je u Sarajevu na adresi Kranjčevićeva broj 29."

Član 2.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-34977/19 Predsjedavajući
25. septembra 2019. godine Skupštine Kantona Sarajevo
Sarajevo **Elmedin Konaković, s. r.**

Na osnovu čl. 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), člana 23 Zakona o eksproprijaciji ("Službene novine Federacije BiH", br. 70/07, 36/10, 25/12 34/16), člana 15. stav (3) Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16), Skupština Kantona Sarajevo je, na sjednici održanoj dana 25.09.2019. godine, donijela

ODLUKU

O DAVANJU SAGLASNOSTI ZA ZAKLJUČENJE KUPOPRODAJNOG UGOVORA U SKLADU SA ČLANOM 23. ZAKONA O EKSPROPRIJACIJI

I

Daje se saglasnost Zavodu za izgradnju Kantona Sarajevo i Direkciji za puteve Kantona Sarajevo za zaključivanje kupoprodajnog ugovora umjesto eksproprijacije i to za nekretnine označene kao k.č. 1021, 1022/1, 1023/1 i 1023/2, k.o Sarajevo VII (stambeno-poslovni objekat) vlasništvo Jašarević Adema u svrhu izgradnje saobraćajnice I transverzale, dionica Kranjčevićeva- Bare-Hotanj.

II

Ovlašćuju se direktori Zavoda za izgradnju Kantona Sarajevo i Direkcije za puteve Kantona Sarajevo da potpišu ugovor iz tačke I ove Odluke sa prodavcem označene nekretnine.

III

Ovlaštenje se daje u svrhu rješavanja imovinsko pravnih odnosa u smislu člana 23 Zakona o eksproprijaciji ("Službene novine Federacije BiH", br. 70/07, 36/10, 25/12 i 36/17).

IV

Ova odluka stupa na snagu danom donošenja i ista će se objaviti u "Službenim novinama Kantona Sarajevo"

Broj 01-05-34979/19 Predsjedavajući
25. septembra 2019. godine Skupštine Kantona Sarajevo
Sarajevo **Elmedin Konaković, s. r.**

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine grada Sarajeva", broj 7/94) i ("Službene novine Kantona Sarajevo", broj 12/06), na prijedlog Komisije za obilježavanje, čuvanje i njegovanje historijskih događaja i ličnosti, Skupština Kantona Sarajevo, na sjednici održanoj dana 25.09.2019. godine, donijela je

ODLUKU

O DAVANJU IMENA PARKU NA PODRUČJU OPĆINE CENTAR

I

Davanje imena parku na lokaciji koja se nalazi preko puta Bosanskog kulturnog centra, na uglu ulica Čemaluša i Branilaca Sarajeva, na lokalitetu MZ "Trg oslobođenja - Centar", područje Općine Centar, koji glasi:
Park "Jelena Vitas".

II

Nadležni organ uprave Općine Centar dužan je da u što kraćem roku izvrši davanje naziva parka, a Kantonalni zavod za planiranje razvoja Kantona dužan je u roku od 8 dana uvrstiti u Registar ulica, trgova, mostova, parkova, institucija i ustanova, naziv iz tačke I ove odluke.

III

Ova odluka objavit će se u "Službenim novinama Kantona Sarajevo".

Broj 01-05-34982/19 Predsjedavajući
25. septembra 2019. godine Skupštine Kantona Sarajevo
Sarajevo **Elmedin Konaković, s. r.**

Na osnovu čl. 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 67. do 71. Zakona o budžetima u Federaciji BiH ("Službene novine Federacije BiH", br. 102/13, 09/14 - Ispravka, 13/14, 08/15, 91/15, 102/15, 104/16 i 05/18), čl. 40. stav (5) i 41. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo, na sjednici, održanoj dana 25.09.2019. godine, donijela je

ODLUKU

O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT "JAVNI PREVOZ SARAJEVO"

I

Prihvata se zaduženje Kantona Sarajevo (u daljem tekstu: Kanton) po Ugovoru o zajmu između Bosne i Hercegovine i EBRD-a za Projekat "Javni prevoz Sarajevo", u iznosu od 15.000.000,00 EUR.

II

Sredstva zajma iz tačke I ove odluke koristit će se za realizaciju Projekta "Javni prevoz Sarajevo", a implementirat će ga Ministarstvo saobraćaja Kantona. Cilj Projekta je finansiranje nabavke novih električnih trolejbusa kako bi poboljšali razvoj infrastrukture javnog prevoza u Sarajevu, kroz pristup čistom javnom prevozu i povećanje kapaciteta i efikasnosti usluga javnog prevoza. Razlozi za zaduživanje na osnovu vanjskog duga su povoljni uslovi koje je dao zajmodavac.

Osnovni uslovi zajma iz tačke I ove odluke utvrđeni su Zapisnikom sa pregovora između BiH i EBRD-a, od 25.07.2019. godine, Nacrtom ugovora o zajmu između Bosne i Hercegovine i EBRD-a, Nacrtom ugovora o podršci zajma između Kantona i EBRD-a i Nacrtom Projektnog ugovora između Ministarstva saobraćaja Kantona i EBRD-a.

III

Sredstva zajma iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos zajma	15.000.000,00 EUR
- rok otplate	15 godina
- grace period	2 godine (uključen u rok otplate)
- kamatna stopa	šestomjesečni Euribor + 1% marža, na godišnjem nivou
- dospijeća	polugodišnje, u jednakim otplatama glavnice (na dan 22. april i 22. oktobar
- jednokratna provizija	1% na iznos glavnice kredita

IV

Iznos provizije na raspoloživa, a neisplaćena sredstva će biti 0,5% godišnje.

V

Potvrđuje se da je razmatrana dokumentacija prihvatljiva za Kanton:

- Potpisan Zapisnik sa pregovora između BiH i EBRD-a od 25.07.2019. godine
- Nacrt ugovora o zajmu između Bosne i Hercegovine i EBRD-a
- Nacrt ugovora o podršci zajma između Kantona i EBRD-a
- Nacrt Projektnog ugovora između Ministarstva saobraćaja Kantona i EBRD-a

VI

Sredstva zajma iz tačke I ove odluke prenijet će se na Kanton potpisivanjem podugovora o zajmu između Federacije BiH i Kantona. Navedenim podugovorom Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o zajmu.

VII

Daje se saglasnost za zaključivanje podugovora o zajmu između Federacije BiH i Kantona, za zajam iz tačke I ove odluke.

Daje se ovlaštenje premijeru Kantona da potpiše podugovor o zajmu sa Federacijom Bosne i Hercegovine.

Daje se ovlaštenje ministru Ministarstva saobraćaja Kantona da potpiše projektni ugovor sa EBRD-om.

VIII

U svrhu redovne otplate zajma, Kanton je saglasan da Federacija BiH, u slučaju neredovnog ispunjavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu.

Kanton se obavezuje da će u svrhu naplate svih potraživanja po ovom zajmu, Federaciji BiH dostaviti bjanko mjenice. Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

IX

U periodu dospijeća obaveza po Zajmu potrebno je iz Budžeta Kantona osigurati sredstva za servisiranje obaveza po Zajmu.

Dodatna sredstva za plaćanje PDV-a, carine i drugih naknada u periodu implementacije Projekta obezbijedit će Ministarstvo saobraćaja Kantona.

X

Za realizaciju ove odluke i izvještavanje zadužuju se Ministarstvo finansija Kantona i Ministarstvo saobraćaja Kantona, svako u okviru svoje nadležnosti.

XI

Implementacija Ugovora o zajmu, iz tačke I ove odluke, zahtijeva donošenje novih ili izmjenu postojećih zakona.

XII

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-34980/19
25. septembra 2019. godine
Sarajevo

Predsjedavajući
Skupštine Kantona Sarajevo
Elmedin Konaković, s. r.

Na osnovu člana 202. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst br. 41/12, 15/13, 47/13, 47/15 i 48/16), Skupština Kantona Sarajevo, na sjednici održanoj dana 25.09.2019. godine, donijela je

ODLUKU

O NEPRIHVATANJU OSTAVKE MINISTRICE ZA OBRAZOVANJE, NAUKU I MLADE KANTONA SARAJEVO

I

Ne prihvata se ostavka Zinete Bogunić, ministrice za obrazovanje, nauku i mlade Kantona Sarajevo.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-35283/19
25. septembra 2019. godine
Sarajevo

Predsjedavajući
Skupštine Kantona Sarajevo
Elmedin Konaković, s. r.

Na osnovu člana 7. stav 2. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 34/03 i 65/13), i člana 117. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst broj 41/12, 15/13, 47/13, 47/15, 48/16), Skupština Kantona Sarajevo, na sjednici održanoj dana 25.09.2019. godine, donijela je

ODLUKU

O STANDARDIMA I KRITERIJIMA ZA IMENOVANJE ČLANOVA ODBORA ZA ŽALBE JAVNOSTI

Član 1.

(Predmet Odluke)

- (1) Ovom odlukom Skupština Kantona Sarajevo utvrđuje standarde i kriterije za imenovanje na poziciju članova Odbora za žalbe javnosti (u daljem tekstu: Odbor).
- (2) Odbor je nezavisno tijelo Skupštine Kantona koje čini pet članova predstavnika građana.

Član 2.

(Uslovi za imenovanje)

- (1) Članovi odbora biraju se iz reda istaknutih stručnjaka iz oblasti pravnih, kriminoloških, kriminalističkih i sigurnosnih nauka, sa najmanje pet godina radnog staža nakon sticanja visoke školske spreme, a predsjedavajući odbora mora imati najmanje deset godina radnog iskustva na pravnim ili kriminalističkim poslovima.
- (2) Za člana Odbora može biti imenovan kandidat koji ispunjava sljedeće opće uslove:
 - a) da je stariji od 18 godina,
 - b) da nije otpuštan iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja ovog javnog oglasa,
 - c) da se na tog kandidata ne odnosi član IX 1. Ustava BiH (da se ne nalazi na izdržavanju kazne izrečene presudom Međunarodnog tribunala za bivšu Jugoslaviju i niti je pod optužnicom Tribunala, a nije se povinovao-la naredbi da se pojavi pred tribunalom).
- (3) Pored navedenih općih uslova, kandidat koji se imenuje za člana Odbora, treba da ispunjava i sljedeće posebne uslove:
 - a) da je državljanin Bosne i Hercegovine;